

大東詩集

三

特
和18
822
3



大東詩集卷之五

東都書肆 藻雅堂輯

七言律

長安春遊

野公臺

紫陌紅塵連狹車，冶遊年少競驕奢。
新豐市上開春酒，渭水橋邊踏落花。
氣色晴曛雙鳳闕，烟霞醉遍萬人家。
即今帝里多行樂，故及芳辰弄物華。

漁父

井純卿

漁父從來不入城，八旬猶欠世人情。
魚蝦換酒歌漫發，蘆荻遮風夢自成。
北岸相呼南岼濶，早潮獨去暮潮平。
求田問舍胡徒爾，別有浮家了一生。

和答岡公修見寄

大田覃

一時同調屬青年，絕唱彌高白雪絃。

下里數人憐我和，中原三舍避誰賢。
花含彩筆詞場色，月照冰心酒肆前。
夙昔牛門稱四友，看君詩卷最先傳。

奉寄台州先生

時先生
在東都

高木榮

別來西望武江天，尺素翩翩迥自憐。
海內盛名干鳳闕，斗間紫氣見龍泉。
論文堪羨風雲合，作賦兼看日月懸。

莫向鄉園愁按劍，好開囊笥示雄篇。
奉送台州先生陪布施明府遊

仙臺

高木秉

落日濃南別酒催，樽前分袂向蓬萊。
烟凝松島蒼波濶，雲起金華碧海開。
鳴鼓馮夷迷遠近，牧羊仙子此徘徊。
浮湘更摘名山色，文藻應誇司馬才。
為飛州津野氏題龍嶺龍馬石

應台州先生命

高木三省

龍山竒石五花驄，更憶拳毛奪化功。
萬古揮鞭人卜雨，千秋伏櫪自嘶風。
還疑夜白蹤蹄動，應與乘黃筋骨同。
爭奈近時無識者，何年神駿值支公。
春日訪台州先生同詠青

中木好問

琴酒攜來問步兵，春山帶笑雨新晴。
含風彭澤垂楊動，帶露謝家芳草生。
子敬氈為千載話，仲容器入五君名。
孤松叔夜同遊處，轉見杯中竹影清。
和北海先生芳野賞花之作

今

花發芳濃三月辰，風光遠自引都人。
連山總似秋雲滿，千樹還驚霽雪新。

古寺鐘聲頻報暮，清江練影欲流春。
羨君此日登攀處，下筆詞華亦有神。

六日答謝台州先生見寄慰

余時

喪豚兒

石川正珀

孤雁飛來入草亭，開緘彩筆發芳馨。
鬢邊白髮長千尺，篋裡黃金憶一經。
之子何鄉能陟岵，此生偏自少趨庭。
謾憑佳節新蒲酒，獨對青樽醉未醒。

春興

尾修平

謝疾星霜已十春，掛冠飄泊避風塵。
六經細討先賢語，孤劍但存知友親。
處士從來千里志，丈夫留滯一枝新。
壯年製錦成不得，白首何時釣渭濱。

春日謾興

梅澤甫

一杯春酒夢相牽，起聽鐘聲夕照前。
細草當階誰不掃，落花在地自堪憐。

茂林歸鳥惜遲景，獨坐看雲欲暮天。
萬事關心多謾興，豈將身後託詩篇。

奉贈秋月南學士

石宣明

賢路嗟君早進官，聲名元自滿西韓。
曳裾相盼鴻臚館，搦管壯觀東海瀾。
家憶白圭三復句，邦傳章甫舊時冠。
誦詩專對稱良佐，辭命應修二國歡。

奉贈成書記龍淵

今

書記才名元寡儔，相和日東州。
 壯心踏海盧敖興，藻思觀風司馬游。
 鳴珮自侵琳閣起，揮毫近入墨川流。
 龍淵探玉龍宮裡，照乘深知不妄投。

寄懷高子巖 田周之

捲遊何歲此，栖遲昨夜東。風吹鬢鬚絲，

孤客懷家垂淚夕，小鶯求友弄花時。
 吟成始解洋峩意，賦就深知歸去辭。
 應是青山傳漫興，春醪獨酌寫相思。

平等院作 古鬲

陳跡茫茫草木新，幾年荒廢委灰塵。
 鳳樓半鎖山烟晚，兔道斜通野水春。
 竹院乘間僧出話，茶園慣摘鳥相親。
 猶餘冷石如秋扇，日暮悲風愁殺人。

鎌倉覽古

大浦由戶

霸業功成招百官，當時海內稱長安。
花褰帷幙芙蓉嶺，月泛樓船鴻鵠灘。
袿服遊人腰寶劍，新粧娼婦倚珠干。
只今唯有雄風起，陳迹離離木叅寒。

送山子問還鄉

禰井剛

郊外垂楊折送行，歸鞍向北馬蹄輕。
悲歌撫節金尊滿，交態論心黃鳥鳴。

不見錦衣誇舊里，猶堪拱壁當連城。
故人但恐離群久，行比一鄉妄太成。

遊總州國府臺井湛

長江落日望茫、野岸繫舟細艸傍，
一代英雄空作土，百年感慨共沾裳。
陳雲晝暗荒臺雨，劍氣朝飛古壘霜。
誰料嶮巖千仞固，晚來只聽梵聲長。

飲枕流亭

全

亭下蒹葭通海濱，魚航酒艇望來新。
月明墨水開清冷，樹古龍山自碧鱗。
坐久難欹孫楚枕，興酣堪採陸機蓴。
此江尤有秋光好，何讓花時一樣春。

詠蜘蛛

福文祥

來去經營戶牖中，圓圍成處托微躬。
空虛掛縷貫裁密，網紀張羅分布工。
萬顆珠浮綴曉露，百條絲亂隨春風。

短節除却簷前網，惡尔詐機害小蟲。

碓氷嶺雷雨

松崎惟時

帝子當年破虜來，至今猶恨橘妃哀。
疾雷拔木天如晦，暴雨漂山路不開。
入谷驚看巖下電，躡雲俯聽澤中雷。
關門咫尺冥濛裡，歸客思家首重回。

墨水泛舟

全

大江東下木蘭舟，日暮猶停墨水頭。

樹裡樓臺雙岫色，月中絲管萬家秋。
百年天地乘桴興，四海交遊秉燭遊。
誰念朱門為吏苦，明朝無路問滄洲。
暮春餘寒殊甚，偶聞鶯聲作。

川孟綽

南山寒影映蒼霞，澗戶寥寥一徑斜。
不擬甯生歌白石，欲從尹軌問丹砂。
諸峰雲鬱常含雨，萬樹春遲未吐花。
却愛孤鶯幽谷裡，數聲猶自報年華。

春盡有懷岡公修

森禎卿

春盡重陰且未開，野垌煙雨鬱葱哉。
風前綠樹芳殘去，林下黃鸝老自哀。
裹飯欲尋桑戶室，繡經誰擬漆園才。
何時共避人間世，蓬累悠然卧草萊。

雷雨

平彝倫

大嶽浮雲黯不飛，層陰擁石望依依。
輕雷聲動乾坤合，急雨涼生蒸氣稀。
幕上時翻雙燕落，巖邊忽引九龍歸。
晚來更有新晴色，窮目盪胸對夕暉。

城中晴望

夏長厚

鳳城晴色映清晨，萬戶雲霞入望新。
水滿御溝迴紫陌，風吹玉樹起紅塵。
瑤臺遙對西山雪，瑞氣時開上苑春。
此地相逢多少客，鳴珂總是宦遊人。

經過須磨

安修

滄海愁雲白日昏，行經陳跡吊遊魂。
城空枯樹寒鷓踏，絕荒墳秋葛繁。
極浦煙波憶帝子，孤村風雨哀王孫。
千年人事因誰問，但有平原狐兔奔。
送友人遊筑波山

今

雙峰削出碧崔嵬，天造驚看玉女臺。
行入松陰迷霧雨，俯臨巖下鬪風雷。
南流波白河如練，東極雲晴海似盃。
援筆何思陶謝侶，故人飄逸有仙才。

送木文熙歸信州

今

北指鄉雲，歸信州。嘶風匹馬動離愁。
郊原杳渺望何極，道路崎嶇行且休。

玉削千山峰競秀，雷鳴萬壑水爭流。
揮毫應寫諸名勝，早晚攜來供卧遊。

觀調馬

木雍

少年調馬涪城東，十騎爭來駿骨同。
執轡金鞍輝日色，揮鞭毛鬣亂春風。
吳門匹練長楸際，漢代浮雲垂柳中。
逸足驍騰餘猛氣，蹈花歸處四蹄紅。

過鹿山晁君舊居

晁知敬

赤羽橋邊霖雨晴，閑庭回首自傷神。
花飛晚日哀鐘響，柳彈春風慘笛聲。
檻外苔蹊人不見，門前松樹鳥空鳴。
懷君淚落東流水，已斷瑤琴為孰清。

望月樓詠月 廣瀨惟親

樓前月色照松林，倚檻含杯獨思深。
點點微雲綴冰鏡，濃濃冷露濺塵襟。

遠村風靜清砧斷，古壁秋寒蟋蟀吟。
此夜晴光人盡望，賦成誰嗣謝莊音。

送田良夫遊羽輿

唐世濟

遠遊不復負平生，別酒相留惜未傾。
天地尊鱸無適意，烟霞泉石有奇情。
白河關畔秋風色，黑羽城邊候雁聲。
憐爾行探山河勝，興來揮筆自縱橫。

集飲木貞幹

全

騷客相看此據梧，西山爽氣照冰壺。
梅花溝上香風度，蘭若街頭白月孤。
四海文章憐老病，百年天地哭窮途。
墻東自有江湖趣，不使紅塵染鬢鬚。

西川子璉過訪有詩次韻和謝

釋元明

一溪雲水世緣疎，騷客來尋三伏初。

和梵山蟬吟樹上聞經野鳥下陞除

蒲團竹几常蕭寂，松食藜羹日澹如。

不効淵明攢眉去，請君重復到禪廬。

閣老濱田侯大夫人八十初度

恭賦奉賀應人需

山惟熊

退朝玄冕侍慈闈，壽日燦爛五色衣。
臺上蟠桃凌雪熟，堂前護草向陽肥。

紫霞濃注春樽滿青雀偏追華宴飛
須識坤儀助補衮恩榮長見有光輝

答西川子璉見訪之作

宮田明

城東避世小渠流陋巷迎人徑路幽
白雪侵春傳楚曲紫氛凌斗識吳鉤
雕蟲老抱揚雄感去國新隨王粲遊
縱有望鄉心自切武陵花發使君留

酬西川子璉見寄

赤松鴻

鴻書一自下長空且見文章江左風
西海煙波愁易結東閨物色思無窮
論心偏恨交遊隔裁賦猶憐感慨同
縱使踈狂堪愛顧何時把臂在林中
病中懷西莊春事

米著

聞說林莊雪已殘，病來春事欲求難。
西山靈藥関心久，南澗芳蘋入夢看。
老大祇應隨水石，清羸豈可愜衣冠。
偏思猿鶴相愁處，蕙帳空垂夜月寒。

酬西子璉所贈

劉維翰

霸棲流落少知音，高卧茅堂隱自深。
猿鶴夢憐蘭蕙帳，鳳鸞歌和玉徽琴。
唯應綠酒忘衰老，未恥青山負夙心。
偶得君詩能慰我，晴牕點檢此披襟。
首春集并君純鄉

關修齡

麗城初葉千門柳，通衢細草萬家春。
凝寒積雪光猶動，白白青雲色更新。
含笑芳梅先入酒，邀歡好鳥稍嬌人。
喜君不廢江湖興，相逐韶年引隱淪。

夢遊洞庭湖

田頌

清夜悠悠、夢所思、扁舟遙到洞庭湄、
水光涵月、連三楚、山色含雲、隔九疑、
騷客幽魂行、欲弔湘妃、鼓瑟聽堪悲、
五更風雨聲、蕭颯猶怪啼痕在竹枝、

奉賀觀海先生擢職

西川瑚

君恩一日進賢、初諷議千秋、數上書、
遺直祇當推叔嚮、雄篇何必讓相如、

侯門夜月留簪筆、朱邸春雲映曳裾、
聞說燕臺求駿馬、黃金禮待寵光餘、

咏柳

全

晴煙十里木堤頭、楊柳絲、嫩色浮、
影鎖千門、含返照、枝垂萬樹、映清流、
看來樓上凝春思、折去橋邊、綰別愁、
幾處晚風飛白絮、冶遊堪繫紫驂、
星山下、僧院賞荷花、

鷓鴣一

星山蘭若自清凉空翠霏微落上方
青壁千年松柏色滄池十里芰荷香
祇園正見開明鏡華界何妨媚粉粧
倚檻坐忘鐘磬晚臨風猶對彩雲長
墨河泛舟 酒井忠見

澹蕩大江分二州日晴風暖繫扁舟
長堤草細多黃蝶淺渚烟疎浮白鷗
渡古蘆葦封旧色墳荒楊柳起春愁
猶餘千歲王孫詠沙岼依然水自流
送人歸隱山中 小山為滋

當年羨爾已抽簪歸隱松門路正深
高枕從來丘壑意裁衣自愛薜蘿心
讀書窓下停晴色採藥山頭步晚陰
到處烟霞秋欲遍白雲明月入幽襟

送僧歸京

今

鐵錫西飛向帝京，曉風殘月奈離情。
山川跋涉三秋色，道路遙憐萬里程。
杖鉢何人俱遁跡，烟霞幾處觀無生。
故林到日君看取，一片天花滿化城。

春日郊行

荻原慶

行傍橫塘出野田，渺茫光景入詩篇。
亂鶯聲轉林風暖，垂柳色牽溪水鮮。
春興勝遊花作侶，晝眠閑卧草為氈。

晚來偏似羅浮夢，回首東山月正圓。

夏日村居讀書

千賀暢政

自結茅茨野水隈，柴扃無客思悠哉。
遠林綠茂含殘雨，高嶺雲晴收晚雷。
遮莫護雞漂曝麥，不知傍戶落標梅。
讀書何必閑人事，懶向田園剪草萊。
春日遊東叡山 大須賀匡淵
天台高閣極攀躋，望裡蒼然萬象低。

白馬溪邊何處繫芳樽樹下好堪攜
風來碧殿花空落山鎖青松路欲迷
偏愛烟霞上方地倚欄閑坐詠新題
送友人 合

驛路陰、雲樹重、河梁分手隔千峰
他鄉堪結三秋夢征馬將嘶五夜鐘
山古猿聲連白井日寒雪色映芙蓉
知君到處多幽興隨意題名問舊縱

會某族別莊同諸君賦

森田詢

騷客時開翰墨筵山莊夜色自凄然
高樓月出流霜滿遠嶺雲移列宿懸
天冷微風吹木葉秋深芳菊媚林泉
醉來授簡鄒枚侶賦就誰同兔苑篇
江城春望 風馬山人
望盡江都十方家春光駘蕩簇烟霞

一時綠漲柳原水，數里紅飄台嶺花。
紫陌朝邀公子馬，翠樓夕駐美人車。
何須別問蓬萊勝，日映金城滄海涯。
仲秋前一夕宴仲陵公子琢玉

臺次公子韻 滕永綏

陰雨蕭蕭掩玉樓，捲簾坐待月光浮。
桂花含露到深夜，蟾影隔雲近仲秋。
授簡文人陪雅宴，傾盃狂客接仙遊。

况逢旨酒嘉肴饗，沉醉將歸更滯留。

淺草大悲閣 今

大悲香閣摩蒼穹，寶塔九層此地雄。
墨水金龍朝月窟，紺園祇樹映天宮。
上方梵唄狻猊吼，下界民家雞犬豐。
誰識當時遺構日，儼然千歲照江東。
初春宿臺先生造講堂於司馬

邑開講日席上賦捧几下

小瀕敬

六經學校發春陽
函丈挹衣更幾行
櫻水無留流辯業
宥山不動入文章
賀來燕雀非妨講
合集蛇鱸好顯祥
四席人頤都耐解
東都新立鄭公鄉

春浮墨水

全

闌棹延緣御廐津
澄江笛歇落花頻
塚前墮淚空懷古
雨後迴頭轉惜春
萬籟稀聞黃鳥語
孤帆飛影白鷗親
水流無尽梅兒恨
向晚風揚愁殺人

六月十三日假寐

原公逸

陋室端居惰四支
獨難堪火熱語
蠅絢孫敬懸梁索
蚤代蘇秦刺股錐
晝枕欲眠不著
翹風將起何為
更無佗世情
閑我拈出篇
適意詩

大東詩集 卷五
題庭松奉壽岡侯五十初度

井潛

明府風流知命年，新詩爭獻咏松篇。
枝含晚翠冰霜後，色挾穹蒼日月邊。
坐客盃樽傾玉液，詞臣翰墨借青煙。
重陰况有雙棲鶴，勸醉踰躑舞壽筵。

送澤弟侯之崎陽

全

群賢詩酒送同袍，先賦江陵八月濤。
極界天迴銅柱出，重溟雲捧蜃樓高。
星文夜淨豐城獄，霜氣秋寒日本刀。
匣裡雌雄君兩佩，休逢猙獰試吹毛。

送滕恒順歸南部

全

五十餘城據上游，飛雲指處路悠悠。
蝦夷接壤邊南部，駿馬臨鄉冀北州。

首蕊花開添別恨，梧桐葉下動歸愁。
只言雞黍前期在，待爾春風賦再遊。

簾內美人

今

佩環聲罷影彷徨，珠翠如煙隔小堂。
新月婆娑分黛色，微雲點綴誤紅粧。
捧心傾國遙偷眼，解語名花枉斷腸。
羅帶引時移雅步，春風空自送芳香。

冬日送福子光路經南紀歸省

西肥

今

萬里橋東萬里餘，忽思肥水舊中廬。
雲飛絕海鄉關遠，霜落前途木葉疎。
知爾行懷南國橘，為親先奉武昌魚。
還山好掃烏皮几，須是三冬耽讀書。

寄題鈴寬仲庭中松

河文謙

養得中庭百尺松，負霜凌雪立嚴冬。

疎髯自拂寒雲秀翠蓋更承零露濃
老幹遙夫來白鶴孤根空地起蒼龍
知君獨坐清陰下手酌濁醪傾幾甕

雨中

全

二十年來東武州青衿壯志獨心酬
升沉世上朝千慮窮達人問夕百憂
脩竹露垂欄外綠古松風嘯枕邊幽
庭除閑對秋霖色一曲長歌懷舊遊

克己亭落成延陵老侯見枉馬

賦此奉謝

赤松豐泰

書齋卜築會賢才何幸衣冠贈酒來
趙氏堪誇楚山壁陶家空愧野人杯
雄風正自筵間起晴色時由星聚開
忘貴恩深無限興况令門下黍趨陪
擬送在中即游東國

藪慙

中郎都雅與誰倫，東道雲山逐望新。
 筆翰如花添藻麗，驂馱扶醉美風神。
 夢迷宇嶺藤蘿月，腸斷參河杜若春。
 再會縱尋今夕興，相看恐不昔時身。

秋夜吟

河文謙

滿天皎月萬家霜，四壁淒其夜思長。
 露滴林間催落木，風來閨裡冷垂裳。
 更深厭聽陰蟲切，秋老憐看塞雁翔。

間坐通宵終不醉，寒燈使感詩徒腸。

鴻臺懷古

源師道

割據鴻臺市水東，昔時廟略事豪雄。
 旌飄波上三軍湧，鼓響城頭萬馬通。
 今見遺墳臨渡口，愁聞戰骨沒沙中。
 亂離年去無人到，唯有荒墟鳥呼風。

題源師道富岳圖用詹仲和韻

釋徵

八采芙蓉跨四涯，蒼苔道架碧雲梯。
五更鷄唱夜看日，九夏天寒雪壓氐。
光擁珠宮神女下，影吞銀海老龍栖。
坐來不省丹青妙，閑望松原欲拂衣。

寓懷

全

人情交態日多端，獨卧深園與不寬。
為客孤琴焦尾在，思親班舞敝衣寒。
鶯花愁裡三春淚，風雨燈前一夜看。

早晚合彈長鈇罷，縱然膝下更承歡。

聞大迫子幹之任鬼界，遙有此

寄六首

内田叔明

嗟君畫鷁指長空，殊域西南大海中。
緣見蝦蟇連鬼界，始知鮫室邇龍宮。
古來物候山川異，今日聲教部落同。
試問孤憤遷客迹，拍天波浪送淒風。

其二

全

麋城已隔萬山雲，赴任天南豈耐聞。
禹貢九州環海盡，鄒家六合太荒分。
但須鰲背窺鴻寶，那必仙槎犯斗文。
正是乘風神氣王，揮毫驅去鱣魚群。

其三

全

謾道秦皇架石橋，壯觀何處倚岩堯。
扶桑杳渺三山遠，建德蒼茫百粵遙。
何歲神人釣鰲去，從來海若蹴天驕。

臨風時遇麻姑到，書信當傳萬里潮。

其四

全

萬里潮頭望不窮，飄然天地一冥鴻。
遊如遷史元探勝，賦似玄虛更競雄。
卉服漁邊颺風斷，鷓鴣啼處瘴煙空。
沃焦山上群仙窟，閑興相尋汗漫中。

其五

全

何鄉域內最堪觀，田野肥饒治豈難。

遲日鳴琴歌北雁，清秋卧閣慰南冠。
雲開海嶠攜樽酒，波斂天池把釣竿。
儻得大珠明月色，獻君寧作暗投看。

其六

今

彩雲縹緲幾峰青，開府風流好授經。
休執阮生無鬼論，且營揚子草玄亭。
青霄劍氣秋方動，白雪詩篇客始聽。
續滿應須鬱林石，歸帆直自渡重溟。

鬼界島距麁府三千里，海路近硫黃島。
硫黃有俊寬遺跡，距麁府三百里。
盖古者西南諸島皆謂之鬼界，故詩中及俊寬事耳。
鬼界頗熱，冬不挾纊，又盡推髻服蕉布，頗與琉人同俗。
又地利豐饒，里歌有言曰：今者喜布世界那哩計。

哩故俗間或寫作喜界云

春色滿皇州三首

岳融

京華日、歲華新帶暖，流風遊紫宸。
北極重雲含聖澤，東村輕雨度芳辰。
柳條濯、千門夕草色，萋、九陌春。
恰好諸侯朝集使，忻逢萬物發天真。

二

合

皇城春日帶恩光，千里寒烟發古陽。
乳燕群飛亂柳絮，遷鶯百轉傍花香。
終南餘雪天邊盡，杜曲遊絲日下長。
淑景由來流四海，都人先已樂年芳。

三

合

戲筆風光入帝州，千秋王氣並悠悠。
上林歸雁餘寒去，太液開冰舊色流。
天上霞含雙鳳闕，路傍春映萬家樓。

衣冠共奏行時令，正助陽和作豫遊。

登江邊閣

須瑜

攀躋高閣鬱崔嵬，萬里新晴望遠哉。
江上山連天外聳，雨餘烟映鏡中開。
千村風起砧聲響，八月秋高客思哀。
極自登樓乘興處，裁詩還愧仲宣才。

七夕同諸子過飲高樓

林直卿

絲樓攜手對斜陽，絲管開筵幽興長。
烏鵲橋懸雲似水，梧桐葉落月如霜。
銜杯勸醉忘三伏，捲幔迎涼歌七襄。
目送誰家含豔女，焚香默禱玉琴傍。
賀金莪先生四十初度

岡周安

春暖江頭花正開，高堂此日共銜杯。
坐中賓客連樽滿，海內豪雄慕德來。

千載遙傳經國業一時雅有濟川才
今年纔為稱強仕處、侯王議築臺

栽柳

全

弱柳移來池水涯東門二月駐青霞
鶯銜白絮尋溪去露晷金枝映日斜
過客從今堪繫馬垂條何載可藏鴉
開樽數醉南窓下自愛風流陶令家

與川桃菴

全

別來飄忽三過春聞說朱門劍履新
十載交情終易濶一經舊德自為隣
黃金買賦燕臺客白雪堪歌侍從臣
已識高才徒不老懷君愧吾混風塵
虎云師結夏駒籠來別

河世寧

法子風流更可憐談詩已入少林禪
前身應是王摩詰後輩殊推釋皎然

大東言集 卷五
為客重移瑞蓮步，別人空賦碧雲篇。
休論心地牛鳴隔，方外交情自有緣。

過紫雲寺贈讓公

釋廣流

片岡山畔古祇林，再造玲瓏倚碧岑。
明月自迎香案照，紫雲應入彩毫深。
刹幡風動清秋氣，柏樹枝高淡夕陰。
為問近來何所說，獅絃祇恐少知音。

遊日本寺時五百羅漢之石像

初成賦奉呈高雅尊者

全

琉璃寶殿大江東，磴道盤回雲樹中。
開士化緣知善巧，真人遊戲見神通。
金蓮受坐禪心穩，白日傳燈法象空。
滿院香風何限意，躋攀疑是到天堂。
浦島子再到海上，不復見龍姬。

源鱗

已乘鰲背謝龍宮，音信森茫終自空。
 海上山川閑夜月，波心天地隔春風。
 誰憐去住情難定，偏恨別離思不窮。
 前度蕭條還一夢，人間悲見白頭翁。

津亭送友人不及 今

遊子倉皇萬里征，旗亭何意負逢迎。
 前途斜日人將遠，祖席殘樽誰與傾。

煙隔津頭寒樹色，風傳雲裡斷鴻聲。
 飄飄已逐浮萍去，詞賦難裁離別情。

謁徂來先生墓 安鱗

風生松栢動新涼，攀磴盤旋古冢傍。
 不遇湯文垂大統，空教伊呂遁遐方。
 五車雄譚魚龍躍，百笥遺篇鸞鳳翔。
 愛爾扶桑回日力，海東重是見文章。

月夜宿江島僧院

藤集澤

偶宿招提孤島秋梵音忽響上方幽
驪龍窟下潮聲轉玉女臺前月影流
一夜驚濤難結夢諸天落木不堪愁
更疑身在十洲裡萬里乘風得勝遊

鴻臺覽古得庚韻

今

步出郊垆路轉平鴻臺到處少人行

依然表裡山河固颯爾東西松柏聲
落日城頭餘殺氣浮雲海上變陰晴
英雄已沒空丘隴更向秋風萬古情

春興

規積

桃花如錦柳如絲園裡春風隨意吹
宿醉未醒千白酒新題已就百篇詩
壯遊倏爾廢憑几狂態忽然倒接羅
遮莫生涯塵事趣人間空嘆失佳期

觀元日早朝

源維亮

春田閭闔肇初陽，佳氣氤氳獻瑞祥。
霞彩纒連朝殿，舉燼烟遙繞寢園。長
三元禮典聯鷓鷖，千隊官儀簇驕驍。
借問談經當此日，誰將重席帶恩光。

送千山師之總州

井通熙

秋風昨夜掩禪扉，一葦凌空鴻雁稀。

大海梵輪懸月出，諸天法雨作花飛。
渡杯流水人相識，卓錫浮雲身未歸。
更想石牀趺坐地，降池應護五銖衣。

山伯彥病起攜次仲生遊熱海

寄贈二首

全

病客風流命駕年，鶻冠誰不羨神仙。
金峰半插芙蓉色，炎海遙含瘴癘煙。
自笑枚乘耽賦調，兼攜許掾借才賢。

因君乞取同游佩五嶽真形為我傳

世子親迎禮成 合

蓬萊佳氣映春天百兩鸞聲朱邸前
秦晉雄藩稱舊國姬姜翟裼度新年
玉鑪香動芙蓉帳銀燭花深玳瑁筵
何限臣僚歡舞甚承恩更奏鵲巢篇

九日與友人登愛宕山

大邱詡

佳節登高秋色開攜尊詞客共啣杯
千家霜落梧桐老萬里天寒鴻雁來
幾處偏憐盈把菊何人獨上望鄉臺
風流此會拚沈醉不學當時落帽才

題醫生某山齋 高榮

齋前齋後松千樹江月江花酒一瓢
翠壁含風生冷籟白鷗破霧入晴霄
煉丹洞裡仙堪學種桂山中隱可招

佳境探來幽意足，新詩隨筆上芭蕉。

漫興

田義一

幾年貧病苦風塵，骭麟由來誰與親。
草樹秋深懸磬室，江湖老擬緯蕭人。
青雲五馬非吾意，蔽帚千金笑此身。
傾蓋交遊今不在，相逢多是白頭新。

鎌倉懷古三首

全

欲問鎌臺創業時，相中形勝使人思。

應神古廟松杉鬱，霸王遺蹤涕淚垂。
豺虎亂為蕉鹿夢，蕭牆憂愧鶴鴒詩。
到來獨對山河色，多見蒼苔埋舊碑。

其二

全

懷曾相地羽書飛，戰士西州猶未歸。
將略登壇多廟算，霸圖創業委戎衣。
列侯第宅人何在，三世城池事已非。
試望當年盟主地，荒墟寂莫映斜暉。

其二

合

鎌倉形勝黨蒼穹，霸主樓臺海色通。
貝錦多為豺虎亂，城池變作梵王宮。
岡頭安在千年鶴，馬上曾誇一世雄。
欲向村翁尋往事，何堪禾黍動秋風。
早春集谷子確宅得陽字

合

江邊草樹動晴光，高館春風醉興長。
青眼盍簪傾綠酒，玄言揮麈許清狂。
簾前殘雪添霞色，花裡彈琴對夕陽。
依舊文場諸子會，詩名誰是最飛揚。

巴姬

田千秋

半夜逃亡麾下兵，紅粧女子獨留旌。
橫戈閔月臨眉落，躍馬陳雲映鬢輕。
一死寧辭楊妃怨，長征更慕木蘭名。
馳驅欲拂烟塵盡，莫動虞兮帳裡情。

閑適

岡正懋

終日悠然倚半牀，興來呼酒亦何妨。
幽窗夢斷聞天籟，高卧心閑對夕陽。
樹裡溪流傳響遠，簷前竹徑帶陰長。
荒涼更有林端月，夜夜慙慙照草堂。

丙戌夏戲詠蚊帳

釋淨壽

誰家織淙色蒼蒼，坐卧還疑泛大洋。

綠霧天邊籠竹榻，翠雲室內覆柴牀。
逼人蚊勢無由襲，逐臭蠅營猶可防。
念此炎蒸三伏夜，微君難得夢黃梁。

九月十三日薄暮乘舟訪井純

卿源文龍二子各已赴候家

招不得相會，悵然回棹舟中

對月有此作 釋六如

晚霽停篙問友生，相思不見水盈盈。

高秋一樣一天，月良夜三人三處情。
荻岸霜風欺白帽，畫堂檀板勸銀觥。
孤舟回首空歸去，遙聽城鐘打二更。
暮春遊綾瀨即囑

今

平川漾、蘸晴霞沙觜，人家酒可賒。
青綺幔深留，騷裏紅窗小，載琵琶。
茶蘼臨水開無主，科斗穿萍半作蛙。

歌吹晚歸隄上路，醉巾何客不簪花。

秋杪遊待乳山晚際，乘舟由新

橋而還 今

登舟迴聽寺樓鐘，煙渚鳴榔破夕容。
韜日薄雲紅漠、浮城遠水白溶溶。
野笛短長寧有曲，寒鴻斷續杳無蹤。
吳江楓後好音絕，秋滿垂虹惱殺儂。

季秋郊行二首 今

水東詩集卷五
四十一
緩拖藜杖，蹋斜陽，縣郭迤東十里強。
淺浦潮來，舩脚活，平林木落，塔尖長。
敲門觀菊，何論主，尋店喫蕎，便作糧。
最覺豐年多笑樂，狙公搥鼓，方開場。

其二

全

江色虛明，野色昏行，健竹勝烏犍。
雙鳧夢冷，芙蓉浦鬪，雀聲酣擺，棹村。
游舫迎冬，全減價，踏車懸壁，欲無恩。

老農掣肘，強留客，真率何嫌，缸面渾。

秋日感懷

釋周全

蕭條華髮對秋陰，荏苒星霜感慨深。
懷裡明珠多側目，曲中白雪少知音。
風雲誰問龍飛事，天地難論鵬翼心。
萬里圖南終已矣，江湖一世總浮沈。

登金剛閣

全

蒼筤林開大海東，化城湧出地圖雄。

霞標日映諸天宅，雨外華翻七寶宮。
指掌還看列星近，坐雲偏識色身空。
黃昏不管歸途遠，元自毫光照暗中。
送并子修遊西京兼奉寄清涼

寺典靈尊者

服元立

函關西去試登臨，更見長安無古今。
一帶清江來雪白，三山紅樹入秋深。

逢春寧奏思歸引，問法應知不染心。
寄語嵯峨常住坐，玄談誰共放幽襟。

奉送宇和島侯歸藩

今

子規啼處樹陰森，旌旆悠悠繞碧岑。
豪興暫違河朔飲，風流猶待郢中音。
舟飛鷁首濤偏穩，馬度羊腸路更深。
元識天臺賢士富，談經何必置千金。

九日登金龍山 黑澤嚴恭

金龍山上夕陽催，眺望天涯鴻雁回。
二總群山秋霧散，三义兩岫晚風來。
揮毫才子皆乘興，落帽文人能舉杯。
堪愛黃花無數發，交歡沈醉好徘徊。

寄佐治大夫 佐藤良

國香亭子治城南，形勝歡娛吾舊諳。
開牖雲煙籠大野，捲簾蒼翠落澄潭。

青春遲日看花醉，良夜清風向月談。
一別從遊真若夢，濛濛細雨掩茅庵。

送島供卿歸江戸

釋聞中

宣遊暫尔問安違，上國觀光向五畿。
且得留連同硯席，不堪趨走戀庭闈。
雨霑道暘人皆好，江動秋風鱸自肥。
便欲隨君東請去，却慚錡錫莫由飛。

大東詩集 卷五 四十三
余將歸省河越寄別洪卿仲葆

情見于詩

天爵

荏土淹留已廿年歸心忽動赤川邊
枝頭飢鳥思安息江上浮雲一變遷
負未御輿元我拙論文尚及是君賢
此行苦恨難攜手好向長流雙鯉傳

遊嵯峩

宇惠

洛西佳勝倚嵯峩處遺蹤感慨多

葛水秋風傳木葉嵐山春色想弦歌
天龍寂寞鐘聲起廣澤清冷月影過
此地來遊慣幽意徘徊便欲帶藤蘿

同遊淺茅原

井慎

東風昨夜度江來同友相攜行樂催
鴻入碧空春日暖筵連芳艸酒尊開
賦成往昔傷洲鳥笛起于今悼落梅
眼見年光隨水去長歌一曲復銜杯

東詩集 卷五
早春宴松齋父子

唐郁

兒女知君君不妨風流况復見文章
絃歌筵對啼鶯暖藥味杯催細草芳
何用青山伯休僻堪憐玉樹謝家光
神羹仙醞皆稀世還恐已經年月長
陪從君侯遊心月院

佐繹

陪從玉珂攀梵宮清機象外世情空
茶烟坐穩雲窓下寶樹花明色界中
妙偈縱橫弄文字片心灑落倚江風
應因玄理相忘得此境時能致謝公
奉答東海先生遊鹿洲見寄懷

全

鴻書乍下羽人丘報道烟霞引客舟
片月潮高近觀海大江春碧更登樓

蒼龍宿映青萍動，白鹿洲臨賜谷浮。
彩筆宛然寰外興，遙能使我與仙遊。

仙臺玉山公子好學禮，招東海

先生咨詢時亦遊此地見

其盛事賦上釋透關

疆場由來表海東，遠臨毛狄地圖雄。
分封社稷崇公族，播政謳歌見國風。
賢路廣通官事備，治兵且講歲時功。

本枝百世長如此，兼有舊邦文物隆。

遊金華山二首 全

旭日晴懸若木東，攢峰高擁碧波中。
黃金華秀龍王藏，畫閣雲深神女宮。
三島近連鰲首出，千帆遙合瀕濛空。
壯心欲遂凌霄志，獨倚天風氣象雄。

其二 全

海上之山神女壇，朱簾畫棟綵雲端。

波飄素練三千里花映瑤臺十二欄
縹緲霞光浮日出氤氳蜃氣擁洲寒
采真遙接遊仙境坐作蓬萊隔世看
中秋遇雨書懷簡友人

盛芳

飄零還遇野天秋吟咏憶同牛渚舟
密雨空添騷客淚浮雲不散逐臣憂
元知才藻高粱苑應有琴樽上庾樓
自笑謫來無道術月宮迢遞不須求
送紀世馨之尾藩

宮田明

雄藩載筆此追陪故國秋夫畫錦回
設醴穆生迎楚邸招賢郭隗上燕臺
寵榮已益儒林色恩遇非稱文藻才
耆德無人不矜式當知聲教一時開

品海秋望

源之濟

秋滿驛亭江水隈，風吹宿霧酒邊開。
詞臣更感枚乘賦，詩客偏誇宋玉才。
雲外彩虹橫島嶼，波間蜃氣映樓臺。
欄前醉盡揮毫處，總海房山添興來。
秋日飲澄江樓前與鵜公遊處

稻垣長和

高樓重上玉壺清，一醉蕭條感自生。
疇昔逢迎終作夢，即今搖落獨傷情。

彩毫留壁題名古，素練連江返照明。
歲月何堪隨逝水，回頭暮笛入秋聲。
得月樓集得十灰

源衡

彩雲高掛鳳城隈，向晚登臨霞色開。
滿坐清風供作賦，南樓明月好銜杯。
中霄露灑晴堪弄，佳句人驚興更來。
共喜殷勤投轄意，醉酣歸思不須催。

七月六日邀宮子亮谷文卿設

仲艾植希汲江子實并子厚

茲日東里先生忌日共賦舊

懷 伍貞於

相值居諸屈指驚招魂似慕楚臣名

幾回明月登樓夢顧望青年問字情

老去悲秋懷舊社愁來掩淚對同盟

清言共有山河感吹起隣家玉笛聲

丙申夏四月

車駕登祀日光山

神祖廟并事群祠辟公助祭野子賤與

在其君侯從中賦此為贈

源惟馨

鑾輿遙發紫霄間夾道鷄衣拜

聖顏龍斗旌旗三萬乘金銀樓閣日光

山祭儀追遠人歸德職貢爭來公在

東東言集卷五
班兼禮諸祠都盛典羨君同賦扈遊
還

東嶽山

全

嶽嶽西東幾載分朱樓紫閣映氤氳
螭龍俯飲神池水鸞鳳高飛畫棟雲
帝子珠衣輝法界金仙蓮座絕塵氛
徘徊更見天花落行傍祇林日色曛

感懷

全

衰年久已滯王城拙者窮愁耻聖明
金盡黑貂悲季子書成白髮想虞卿
月寒虛室晨鐘徹風落荒庭枯木鳴
對影孤燈長太息無為天地一儒生
十五夜某國公賜宴同諸子賦
分得夫字
全
共翫清光此夕殊朱絃金管鳳城隅
賦才人巧梁賓客秋興吾深晉老夫

竹樹嬋娟風媚月松枝的歷露連珠
姮娥似樂佳筵樂停影通宵倚玉壺
透關師見訪有詩次韵和答二

首

全

交游零落轉多睽白屋君看夜色淒
劍氣高天衝斗掛驥心千里向誰嘶
帶霜孤月臨庭苦遮眼浮雲接樹低
豈謂人間荆璞恨併將淚血灑摩尼

其二

全

交游零落與貧期霜後獨憐松柏枝
自昔朱絃知己少于今白雪受人疑
芙蓉萬仞懸寒月墨水長流歎歲時
觀世屬君何所似由來此調不堪悲
寄憶高子羽為醫在輿中

全

中原生事總悠悠老去懷人落日愁

覆具誰傳揚子草倦遊空似馬卿裘
十年書斷天涯雁雙鬢霜寒鏡裡秋
聞說江湖今賣藥知君方朔避喧流
宿願生寺裡小庵名菩提

葛張

投宿空房號菩提開窓石隴月高低
孤松蔞鬱天王跡萬籟蕭森山鬼啼
燈剪雨花聽法語爐燃霜葉覓詩題

晨鐘莫破幽人夢僅是雲巖一夜栖

其二

全

蘿葛作衣藤作牀松雲卧穩世相忘
任它野老來茶話愛此山靈借草堂
猿狖有聲千樹月麕麕無跡半庭霜
為嗟明日歸城市不肯林巒賞曙光
投宿一屋北山元璋宅

片猷

空過一屋主人廬，自悔相思不駐車。
吉野徒勞花落後，凡河恰值雨晴初。
開囊贈尔青山蕨，掃徑待余茅海魚。
談熟池塘春草夕，今年情勝去年舒。
漫成示滕子

井敏卿

試步荒村曳杖歸，白雲深處掩柴扉。
鑿池清淺游魚躍，移樹高低宿鳥飛。

抱病久辭詩酒客，罷官新製薜蘿衣。
由來蹇劣安吾分，不擬南山賦采薇。

曾稱偃松

樋口器

丞相祠壇西海濱，青松千載託威神。
殊恩為借榮芬色，遺愛長承雨露新。
偃蓋婆娑停鳳吹，蟠根礫砢結龍鱗。
詠歌不但甘棠美，祭祀于今賦采蘋。

壽歌并序

閑翁

丹羽桃磨彦者予舊相識也
才高情雅而天祐人瞻可謂
蘭茝蓀薰衆人之所好尚也
今茲以寶曆十一龍次辛巳
二月朔為四十二穀辰偉設
華筵擣餅斟螳隣里鄉黨相
共定宴樂矣予今老矣懶移
步九杖亦乏因纔裁壽歌以

易面嘏而已子也莫恪啓齒

孔幸

江水流光祝壽辰
大家相聚序天倫
西王朝獻仙園菓
南極暮斟瑞露珍
慙拜美言勞好友
故駝彩簡迓來賓
縞衣丹順蓬萊客
燕樂八千椿樹春
九月十三夜友人攜酒至賦贈

本孝黼

暮秋明月大江濱迎客金波入檻新
風逐微雲歸遠浦天晴孤雁見纖塵
開筵重擬庾樓興載酒還憐陶令貧
但為清光照殘菊良宵尚對白衣人
秋日送人遊白雲山

合

千里秋風旅服輕白雲山上白雲迎
盧敖杖破烟霞遠謝客屐凌空翠行

臨眺先探竒勝處削成恰好妙儀名
最攀絕頂應怡悅一片持歸贈舊盟

登東巖山

釋道布

海上天台倚碧層金門北指赤城登
昔開丘壑應真錫今映瑠璃長者燈
花裏劉晨迷縹緲天邊孫綽賦凌嶒
千年不變神仙瑞咸作煙霞繞漢陵

宿名栗山中

東愿

大東詩集 卷五 五十五
栗道崎嶇心不平，黃昏寄宿旅人情。
月明溪水冷龍動，風起山崑疑虎行。
孤館詩篇新秉燭，群峰樹色起看更。
終宵感物難成夢，窗外唯聞落葉聲。

擬岳陽晚景

釋德龍

鏡裡風光向晚晴，滿林紅葉映江清。
岳陽城上斜暉靜，雲夢澤邊秋氣生。
數杵遠砧交水響，孤舟長笛帶猿聲。

由來此地多騷客，臨眺誰當不動情。

春日過青山滕隱君

岳融

真人紫氣逐相尋，家在城西只自深。
竹裡鶯聲窗外轉，池頭草色戶邊侵。
攄梧河漢高談起，勸酒離騷痛飲吟。
過客對君忘世事，浮雲富貴竟無心。

秋日旅懷

滕桓

自辭鄉國幾星霜過雁音書久渺茫
客裡吟同壯鳥病鳳兮歌似接輿狂
風烟萬里猶秋色搖落千山但夕陽
陶令未成歸去賦故園三徑已將荒

通士栗遊學受業藍田東君因

賦贈

服圭言

子也青年好事哉山川負笈遠方來
從遊載酒應侵夜教授下帷能育才

殘雪已銷籬落色流螢稍傍水涯回
非無歸省斷機懼自愛分陰業勿灰

海上曉望

蓋延齡

大海雲波曉色通風颿一望入鴻濛
天低只覺凌霄漢水盡寧知乘太空
僊客舟船微渺外金銀宮闕有無中
彩霞開處飛揚去直掃扶桑欲極東

對雪有感

森鐵

歲暮山陰莫友來清談詩與向誰開
忽看柳絮先時舞空聽棹歌拂浪回
白雪調高和久廢玄經老去獨猶裁
何論浮世交情薄今古風流酒一杯

落梅曲

福頌

紅樓斜日靄餘輝牆外梅花春不違
奈識佳人將玉笛更教游子濕征衣
鴛鴦帳裡凝香入鸞翠簾前作雪飛

奏罷悵然懷遠別起看關月望手中微

過杜門

扶搖公子

平沙斷岸路縈迴海上乾坤豁遠開
大嶽歸雲含齒齒南天積水接蓬萊
瑯琊昔比先王觀瑤闕纔餘佚女臺
此際名蹤多古意到來風物使人哀

有祠祭溝檝姬又有源大將亭趾

悼某王廢宮

長孺公子

經過陳跡，州蕭然憶昔君王全盛年。
宮觀人空，巢乳燕，園庭樹暗，響啼鶉。
松濤忽訝笙竽起，澗水猶疑環珮傳。
一代繁華，真若夢，只看滄海變桑田。

夏日登綠山閣 木衆

映金飛閣逼涼天，前後樓臺花雨邊。
司馬門緣山足起，神仙坐並石牀懸。
乾坤猶動真龍氣，海表誰傳衰鳳篇。

可問人間題苦熱，雄風不盡繞高筵。

七言排律附

奉賀飛鳥翁六十初度

高木榮

高堂張宴白雲隈，上壽稱觴佳氣來。
丹岳長攜三秀草，碧霞常駐古仙臺。

瓊筵興到清歌起錦瑟絃調彩服催
問歲客慚蒲柳質論文人懷豫章材
南山色映金樽滿北海烟連翠葉開
雨散壺天懸日月秋深銀闕接蓬萊
元知賣藥韓康意何異偷桃曼倩才
更值今朝家醞熟相逢同醉萬年杯
七夕過靖臣 仲廷冲
佳節俱悲為客留屢依杯酒解羈愁

已言宴會雙星侶還見鄉情千里脩
烏鵲成橋誰更渡鷺鷥作爵此相浮
微涼送夏除蒸熱大火徂西湖漢流
時有鱸魚傷久別寧無蟋蟀動新秋
青山未駕仙喬駕白首空回王粲樓
都惜佳期偏易負雞鳴漏盡各搔頭
冬日遊金龍山寺

阿正識

江流漾蕩似春暉短景光和蕭寺扉
楊柳樓邊風笛散蒹葭舟隱水禽飛
行人古渡晴長立獵騎平原晚自歸
清興有餘簾未下暮寒猶襲醉中衣

大東詩集卷之五終

